

“ТАСДИҚЛАНГАН”

“Тадбиркорликни ривожлантириш
компанияси” АЖ

Кузатув кенгашининг

2024 йил “2” октябрдаги

9/24 - сон йигилиш баёнига

3 – илова

(Кузатув кенгашининг 2024 йил
“23” декабрдаги 11/24- сон йигилиши
баёни билан ўзгартириши ва
қўшимчалар киритилган)

**“Тадбиркорликни ривожлантириш компанияси” акциядорлик жамияти
томонидан қарз молиявий ёрдамини тақдим этиш тартиби тўғрисидаги
НИЗОМ**

“КИРИТИЛДИ”

“Тадбиркорликни ривожлантириш
компанияси” акциядорлик жамияти
Ижроия органи

Тошкент 2024 йил

МУНДАРИЖА

- 1 - боб. Умумий қоидалар
- 2 - боб. Лойиҳа ташаббускорининг мақбуллиги
- 3 - боб. Лойиҳанинг мақбуллиги
- 4 - боб. Танлов ўтказиш ва баҳолаш тартиби
- 5 - боб. Қарз молиявий ёрдамини тақдим этиш шартлари ва тартиби
- 6 - боб. Қарз молиявий ёрдамидан мақсадли фойдаланиш бўйича мониторинг ўтказиш тартиби
- 7 - боб. Якуний қоидалар

1 - боб. Умумий қоидалар

1. Ушбу ““Тадбиркорликни ривожлантириш компанияси” акциядорлик жамияти томонидан қарз молиявий ёрдамини тақдим этиши тартиби тўғрисидаги низом” (кейинги ўринларда – Низом) Ўзбекистон Республикасининг “Акциядорлик жамиятлари ва акциядорларнинг ҳукуқларини ҳимоя қилиш тўғрисида”ти Қонуни ва Ўзбекистон Республикаси Президентининг 2023 йил 10 ноябрдаги ПФ-193-сон Фармонига мувофиқ ишлаб чиқилган бўлиб, “Тадбиркорликни ривожлантириш компанияси” акциядорлик жамияти (кейинги ўринларда – Компания) томонидан кичик ва ўрта тадбиркорлик субъектларига қарз молиявий ёрдамини тақдим этиши жараёнини тартибга солади.

2. Ўзбекистон Республикаси Президентининг 2023 йил 15 ноябрдаги ПК-366-сон қарори ижросини таъминлаш мақсадида кичик тадбиркорликнинг ўрта тадбиркорлик тоифасига ўтишига олиб келадиган тадбиркорлик лойиҳаларини қўллаб-қувватлаш, шунингдек кичик ва ўрта тадбиркорлик субъектларида тадбиркорлик лойиҳаларини молиялаштиришга бўлган эҳтиёжни эътиборга олиб Компания томонидан мақсадли лойиҳаларни амалга ошириш учун қарз молиявий ёрдамлари кўрсатилади.

3. Ушбу Низомда қуйидаги тушунчалардан фойдаланилади:

лоийҳа ташаббускори – ўз тадбиркорлик лойиҳасини молиялаштиришга қарз молиявий ёрдамини олиш учун мурожаат этган кичик ва ўрта тадбиркорлик субъекти;

қарз молиявий ёрдами – бир тараф (Компания) иккинчи тараф (Лойиҳа ташаббускори)нинг топшириғига биноан белгиланган мақсадлар ва муддатларда фойдаланиш учун назарда тутилган харидларни амалга оширишга зарур бўладиган маблағларни йиллик фоиз устамаси билан Компанияга қайтариш графигига мувофиқ тўлаш орқали қайтариш шарти билан мақбул Лойиҳа ташаббускорининг талаб қилиб олингунча ҳисобварағига ўтказиб беришни назарда тутадиган муносабатларининг алоҳида тури;

лоийҳа – қарз молиявий ёрдамидан фойдаланиш учун Лойиҳа ташаббускори томонидан Компанияга тақдим этилган бизнес лойиҳа;

мақсадли лойиҳа йўналиши – тадбиркорликни қўллаб-қувватлаш юзасидан олиб бориладиган сиёsat ҳамда стратегиясидан келиб чиқиб қарз молиявий ёрдамлари тақдим этиладиган худуд, соҳа ва йўналишлар;

қарз молиявий ёрдами шартлари – қарз молиявий ёрдамидан фойдаланиш учун аризалар қабул қилиниш муддатлари, қарз молиявий ёрдами

маблағи тақдим этиладиган мақсадли лойиха йүналишлари, қарз молиявий ёрдамининг қайтарилиш муддатлари ва фоизи, Лойиха ташаббускорлари мақбуллiği ва бошқа мақбуллук мезонлари жамламаси;

очиқ танлов – Компания томонидан қарз молиявий ёрдамини тақдим этиш юзасидан эълон қилинадиган мезонлар бўйича мақбул Лойиха ташаббускорини Компаниянинг ваколатли органи томонидан танлаш жараёни;

анкета-ариза – танловда иштирок этиш учун Компанияга мурожаат қилганда расмийлаштириладиган ҳужжат. Компания томонидан қарз молиявий ёрдамини тақдим этилиши тўғрисидаги эълон билан анкета-ариза намунаси, лойиха паспорти намунаси ва анкета-аризадаги маълумотларни тасдиқлаш учун илова қилинадиган қўшимча ҳужжатлар рўйхатлари келтирилади;

Компаниянинг ваколатли органи – лойиҳаларни танлаб олиш ҳамда уларни молиялаштириш масаласида қарор қабул қилувчи Компаниянинг масъул коллегиал органи (тегишли буйруқ асосида тайинланади);

қарз таъминоти – қарз молиявий ёрдами бўйича тақдим этиладиган таъминот турлари. Таъминот турлари, уларни қабул қилиш ва расмийлаштириш ““Тадбиркорликни ривожлантириш компанияси” АЖ тизимида молиявий қўллаб-куватлаш инструментлари бўйича таъминотни танлаш ва қабул қилиш тартиби тўғрисидаги Низом” асосида амалга оширилади.

мақсадли қарз шартномаси – қарз молиявий ёрдамини тақдим этиш бўйича томонлар мажбуриятлари ва ҳуқуқлари, эришиладиган лойиха кўрсаткичлари, Лойиха ташаббускорининг харидлар режаси, қарз молиявий ёрдамининг муддатлари, фоизлари, тўловлари ва уларни амалга ошириш шартлари, таъминоти ва бошқа шартлар, мажбуриятларни ўз ичига олган Компания ва Лойиха ташаббускори ўртасида имзоланади.

тизим – қарз молиявий ёрдамини кўрсатилишининг барча босқичларида Компания ва Лойиха ташаббускорлари билан ҳужжатлар алмашинуви амалга ошириладиган Компаниянинг “Тадбиркор” ахборот тизими ва/ёки электрон почта.

4. Қарз молиявий ёрдами миқдорлари:

фаолиятига 2 йил бўлган, йиллик даромади 6 млрд сўмдан юқори бўлган ва мурожаат санасида камида 15 та иш ўрни мавжуд бўлган кичик тадбиркорлик субъектларига 5 млрд сўмгача;

фаолиятига 2 йил бўлган, мурожаат санасида камида 15 та иш ўрни мавжуд бўлган ўрта тадбиркорлик субъектларига 5 млрд сўмгача;

фаолиятига 2 йил бўлган, мурожаат санасида камида 35 та иш ўрни мавжуд бўлган ўрта тадбиркорлик субъектларига 10 млрд сўмгача;

фаолиятига 2 йил бўлган, мурожаат санасида камида 50 та иш ўрни мавжуд бўлган ҳамда йиллик даромади 50 млрд сўмдан юқори бўлган ўрта тадбиркорлик субъектларига 20 млрд сўмгача тақдим этилади.

5. Компания бизнес-режасига асосан ўз маблағлари ва жалб қилинган маблағларидан келиб чиқиб, қарз молиявий ёрдамини тақдим этиш бўйича қарор қабул қилиб боради.

6. Қарз молиявий ёрдамини тақдим этиш ва ишларни мувофиқлаштириб бориш Лойиҳаларни бошқариш маркази (кейинги ўринларда - Марказ) томонидан амалга оширилади.

7. Қарз молиявий ёрдамини амалга оширишнинг асосий босқичлари мазкур низомнинг 1 - иловасида келтирилган тартибда амалга оширилади.

2 - боб. Лойиҳа ташаббускорининг мақбуллиги

8. Лойиҳа ташаббускорларига қарз молиявий ёрдами тўловлилик, таъминланганлик, муддатлилик, қайтаришлик ва мақсадга мувофиқ фойдаланишлик тамоийиллари асосида амалга оширилади.

9. Мазкур Низомнинг 2 - иловасидаги талабларга жавоб берган Лойиҳа ташаббускорларнинг қарзга лаёқатлилиги Низомнинг 3 - иловасига мувофиқ белгиланади.

Қарзга лаёқатлилик даражаси учинчи синф ва ундан паст ҳамда ноликвид балансга эга бўлган Лойиҳа ташаббускорларига қарз молиявий ёрдами тақдим этилмайди.

10. Компания олдида амалда тақдим этилган молиявий ёрдамлар бўйича муддати ўтган қарзи мавжуд бўлган корхоналарга мазкур қарздорликлар тўлиқ сўндирилгунга қадар янги молиявий ёрдамлар кўрсатилмайди.

11. Лойиҳа ташаббускорининг мурожаат санасида амалдаги қарз молиявий ёрдами бўйича қарздорлик қолдиги мавжуд бўлиб, тўлов интизомига тўлиқ риоя этаётган ва муддати ўтган қарздорликлари бўлмаган тақдирда, Лойиҳа ташаббускори қарз молиявий ёрдамидан ушбу низомнинг 4 - бандида белгиланган миқдорлар доирасида бир неча марта фойдаланиши мумкин.

3 - боб. Лойиҳанинг мақбуллиги

12. Лойиҳа йўналиши қарз молиявий ёрдами тўғрисида Компания томонидан берилган эълонда келтирилган мақсадли лойиҳа йўналишига мос келиши лозим.

13. Лойиха ташаббускорининг лойихадаги улушки 30 фоиздан кам бўлмаслиги лозим. Лойиха ташаббускорнинг лойихадаги улушки сифатида лойихада бевосита иштирок этувчи Лойиха ташаббускорининг барча моддий активлари қатнашиши (хисобланиши) мумкин.

14. Қарз молиявий ёрдамидан максимал фойдаланиш муддати 7 йилдан ошмаслиги лозим.

Қарз молиявий ёрдамидан айланма маблағларни тўлдириш мақсадида фойдаланган тақдирда, максимал фойдаланиш муддати 18 ойдан ошмаслиги лозим.

Шунингдек, фаолияти тури ва хусусиятидан келиб чиққан ҳолда 36 ойдан ошмаган муддатга ҳар 12 ойда қарздорликни (ёки траншни) ёпиш шарти билан молиялаштириш линияси очиш орқали (револьвер) қарз молиявий ёрдами тақдим қилиниши мумкин. Мақсадли қарзнинг ёпилган асосий қисми доирасида бир вақтнинг ўзида бир нечта индивидуал шартномалар тузилиши мумкин.

Айланма маблағларни тўлдириш учун ажратиладиган қарз молиявий ёрдамининг максимал миқдори мазкур низомнинг 4 - бандида белгиланган сумманинг 50 фоизидан ошмаслиги лозим.

15. Асосий қарз бўйича имтиёзли давр лойиха тавсифидан келиб чиқиб, мақсадли қарз шартномасида белгиланади.

16. Қарз молиявий ёрдами ушбу Низомнинг 4 – иловасидаги тадбиркорлик фаолияти йўналишлари бўйича тақдим этилмайди.

4 - боб. Танлов ўтказиш ва баҳолаш тартиби

17. Қарз молиявий ёрдамини тақдим этилиши бўйича очик танлов ўтказиш тўғрисида ҳамда танловда танлаб олинган лойихалар ҳақида Компаниянинг расмий веб сайти ва ижтимоий тармоқлари орқали эълон қилинади.

18. Лойиха ташаббускорлари эълон қилинган танлов бўйича белгиланган муддатларда анкета-ариза ҳамда унда келтирилган маълумотларни тасдиқловчи илова қилинадиган хужжатларнинг электрон нусхаларини тизим орқали Компанияга киритади.

19. Хужжатларнинг тўлиқлиги, тўғрилиги ва ҳаққонийлиги учун Лойиха ташаббускори ва/ёки уни имзолаган шахс жавоб беради.

20. Анкета-ариза билан биргаликда тегишли хужжатлар тўлиқ тақдим этилмаган ҳолларда Компания ушбу хужжатларни тақдим этиш ёки хужжатлардаги камчиликларни бартараф этиш тўғрисида Лойиха

ташаббускорига маълум қилади. Лойиҳа ташаббускори томонидан зарурй хужжатлар тўплами тўлиқ тақдим қилинмаган тақдирда, Компания аввал тақдим этилган хужжатларни Лойиҳа ташаббускорига қайтариши лозим.

21. Компания Лойиҳа ташаббускорининг лойиҳаси доирасида баҳолаш учун зарур бўладиган қўшимча тасдиқловчи хужжатларни тақдим этишни сўраши мумкин.

22. Киритилган анкета маълумотларига асосланган ҳолда ушбу Низомнинг 2- ва 3 - бобидаги мезонларга мувофиқ Лойиҳа ташаббускори ҳамда лойиҳанинг мақбуллиги дастлабки баҳолаш таҳлилидан ўтказилади.

23. Дастлабки баҳолашдан муваффақиятли ўтган анкеталар бўйича Компаниянинг худудий вакили, у бўлмаган ҳолларда Марказ ходими томонидан лойиҳа жойига чиқиб дастлабки ўрганишдан ўтказилади. Бунда қўйидагилар ўрганилади:

лойиҳанинг белгиланган худудда амалга оширилишининг мақсадга мувофиқлиги;

керакли инфратузилманинг мавжудлиги;
лойиҳани амалга ошириш учун ўзининг улуш манбалари мавжудлиги (шаклланганлиги);

лойиҳанинг келажақдаги истиқболи;

лойиҳанинг атроф-мухит ва ижтимоий таъсири салбий бўлмаслиги;

қарз таъминоти ва бошқалар.

24. Ўрганиш натижаси бўйича худудий вакил, у бўлмаган ҳолларда Марказ ходими ҳар бир лойиҳа бўйича ўз хulosасини тақдим этади.

25. Қарз молиявий ёрдами ажратилиши режалаштирилаётган лойиҳалар таҳлил якуни бўйича лойиҳани амалга ошириш жараёнида яратиладиган иш ўринлари ҳамда лойиҳанинг самарадорлиги (рентабеллиги)дан келиб чиқиб камайиб бориш тартибида саралаб олинади ва худудга ажратилган лимит доирасида тақдим этилади.

26. Яшил ва энергия тежовчи технологияларни жорий этувчи лойиҳаларга устуворлик берилади.

27. Тақдим қилинган хужжатлар таҳлили натижаси бўйича, Марказ томонидан тегишли хulosса расмийлаштирилади ва Компаниянинг ваколатли органи муҳокамасига киритилади.

28. Компаниянинг ваколатли органи хужжатлар тўлиқ тақдим этилгандан сўнг тегишли қарор қабул қилиши ва бу ҳақида Лойиҳа ташаббускори 30 кундан ошмаган мuddатда хабардор қилинади.

5 - боб. Қарз молиявий ёрдамини тақдим этиш шартлари ва тартиби

29. Компаниянинг ваколатли органи томонидан Лойиха ташаббускорининг лойихаси бўйича ижобий қарор қабул қилинган тақдирда, Лойиха ташаббускорига мақсадли қарз шартномаси имзолаш учун тақдим этилади.

30. Қарз молиявий ёрдами фоиз ставкаси Компаниянинг Актив ва пассивларни бошқариш қўмитаси қарорига асосан белгиланади, бироқ бунда қарз молиявий ёрдами фоиз ставкаси Марказий банкнинг асосий ставкасидан 4 фоизлик пункт юқори ставкадан кам бўлмаслиги лозим.

31. Қарз молиявий ёрдами ажратилиши учун қарз молиявий ёрдами миқдорининг камида 125% миқдорида таъминот талаб этилади. Таъминотни қабул қилиш ва расмийлаштириш ““Тадбиркорликни ривожлантириш компанияси” АЖ тизимида молиявий қўллаб-қувватлаш инструментлари бўйича таъминотни танлаш ва қабул қилиш тартиби тўғрисидаги Низом” асосида амалга оширилади.

32. Компания ва Лойиха ташаббускори ўртасида мақсадли қарз шартномаси имзолангандан сўнг, Компания томонидан қарз маблағлари бўйича тўловлар шартномага илова қилинган лойиха бўйича харид шартномасида кўзда тутилган шаклда ва муддатларда тегишли харидларни амалга ошириш учун Лойиха ташаббускорининг талаб қилиб олингунча депозит ҳисобварағига ўтказиб берилади.

33. Компания томонидан тақдим этилган қарз молиявий ёрдами маблағларидан мақсадли фойдаланилиши Компания томонидан ўрганиб борилади. Маблағларидан мақсадсиз фойдаланиш ҳолатлари аниқланганда етказилган зарап ҳамда бой берилган фойдани ундириш тарафлар ўртасида имзоланган мақсадли қарз шартномасига асосан амалга оширилади.

34. Компаниянинг қарз молиявий ёрдами портфелида муаммоли қарзлар миқдори 4 фоиздан ошганда, қарз молиявий ёрдамини ажратиш вақтинчалик тўхтатилади ёки унинг шартлари қайта кўриб чиқилади.

6 - боб. Қарз молиявий ёрдамидан мақсадли фойдаланиш бўйича мониторинг ўтказиш тартиби

35. Лойиха ташаббускори ҳисоб рақамига пул маблағлари тушгандан сўнг, олди-сотди (хизмат кўрсатиш) шартнома шартларига мувофиқ қарз маблағларининг мақсадли ишлатилганлиги ҳақида хизмат кўрсатувчи банк томонидан тасдиқланган тўлов топшириқномалари ҳамда - товарлар,

маҳсулотлар, ишлар ва хизматлар бажарилғанлигини тасдиқловчи ҳужжатлар нусхаларини Компанияга тақдим этиши керак.

36. Маблағ ажратилғандан сўнг лойиҳани мақсадлилигини ўрганиш жараёни Компаниянинг худудий вакиллари, улар бўлмаган ҳолларда Мониторинг бўлими ходимлари томонидан амалга оширилади.

37. Лойиҳа ва таъминот мониторинги мониторинг жадвалига мувофиқ Компаниянинг худудий вакиллари, улар бўлмаган ҳолларда Мониторинг бўлими ходимлари томонидан жойларга чиқиб амалга оширилади.

38. Компания қўйидаги ҳолларда қарз молиявий ёрдамини тақдим этиш шартномасини муддатидан олдин бекор қилиш ва мавжуд қарздорликни муддатидан олдин сўндириш чораларини кўриш ҳукуқига эга. Агар Лойиҳа ташаббускори:

loyihani TIA (Бизнес-режа)га асосан амалга оширmasa,

қарз молиявий ёрдамини тақдим этиш мақсадли қарз шартномаси шартларини бузса;

таъминот ҳолати жиддий равишда ёмонлашса;

қонун ҳужжатларида кўзда тутилган бошқа ҳолларда.

7 - боб. Якуний қоидалар

39. Компания таваккалчилик асосида қарз молиявий ёрдамини тақдим этади, лойиҳани амалга ошмаслиги ва унинг оқибатларига Компания ходимлари жавобгар ҳисобланмайди.

40. Мазкур Низомда кўзда тутилмаган бошқа нормалар Компаниянинг Кузатув кенгаси томонидан белгиланади.


41. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавобгар бўладилар.

42. Мазкур Низомни амалга оширишда юзага келадиган низолар қонунчиликка мувофиқ суд тартибida кўриб чиқилади.

“Тадбиркорликни ривожлантириш
компанияси” акциядорлик жамияти
томонидан қарз молиявий ёрдамини тақдим
етиши тартиби түгрисидаги низомга

1 - илова

ҚАРЗ МОЛИЯВИЙ ЁРДАМИНИ ТАҚДИМ ЭТИШ СХЕМАСИ



Босқичлар	Амалга ошириладиган ишлар	Масъуллар
6-босқич	Лойиха ҳужжатлари асосида Лойиха ташаббускорининг түловга лаёқатлилиги ҳамда лойиханинг самарадорлиги ва қарз молиявий ёрдамининг белгиланган мезонларига мос келиши бўйича хулоса тайёрланади.	Марказ
7-босқич	Ижобий қарор қабул қилинганда Лойиха ташаббускори билан Компания ўртасида мақсадли қарз шартномаси тузилади (<i>Танловда танлаб олинган лойихалар расмий веб сайт ва ижтимоий тармоқларда эълон қилинади</i>).	Компаниянинг ваколатли органи, Ахборот хизмати бўлими
8-босқич	Лойиха ташаббускори билан имзоланган мақсадли қарз шартномасига илова қилинган харидлар режасига мувофиқ маблағлар ўтказиб берилади.	Компаниянинг тегишли таркибий тузилмалари
9-босқич	Мақсадли қарз шартномасида белгиланган мажбуриятларни ўз вақтида ва тўлиқ бажариб (loyihada белгиланган мақсадли кўрсаткичларга эришиш) бориш	Лойиха ташаббускори
10-босқич	Тўлов интизомини назорат қилиш ҳамда мониторинг ишларини амалга ошириб бориш.	Худудий вакиллар/Мониторинг бўлими

“Тадбиркорликни ривожлантириш
компанияси” акциядорлик жамияти
томуонидан қарз молиявий ёрдамини тақдим
етиш тартиби түғрисидаги низомга
2 - илова

ЛОЙИХА ТАШАББУСКОРЛАРИНИНГ МОЛИЯВИЙ ҲОЛАТИ ВА КРЕДИТ ТАРИХИ БҮЙИЧА БЕЛГИЛАНГАН МЕЗОНЛАР

Лойиха ташаббускорининг мурожаат санасида:

1. Молиявий ҳолати бўйича:

- a) тугатиш жараёнида бўлмаслиги;
- b) банкротлик иши қўзғатилмаган бўлиши;
- c) охирги 2 йилда зарар билан фаолият юритмаётган бўлиши;
- d) 2-сон картотека ва бюджет олдида муддати ўтган қарздорликлари мавжуд бўлмаслиги;
- e) кредит ва унга тенглаштирилган операциялар (кейинги ўринларда - кредит) бўйича муддати ўтган қарздорликлари мавжуд бўлмаслиги лозим.

2. Кредит тарихи бўйича:

- a) кредит тарихи “Кредит-ахборот таҳлилий маркази” кредит бюроси маълумотномаси бўйича С (ўрта) ва ундан юқори рейтингга эга бўлиши;
- b) охирги 2 йилда суд жараёнига ўтган кредит қарздорликлари вужудга келмаган бўлиши;
- c) ҳисобдан чиқарилган кредит қарздорликлари мавжуд бўлмаслиги;
- d) охирги 2 йилда муддати ўтган кредит қарздорликлари 30 кундан 60 кунгача 3 ёки ундан ортиқ марта кечиктириб тўланмаган бўлиши;
- e) охирги 2 йилда муддати ўтган кредит қарздорликлари 60 кундан 90 кунгача 2 ёки ундан ортиқ марта кечиктириб тўланмаган бўлиши;
- f) охирги 2 йилда муддати ўтган қарздорликлари 90 кундан ошган бўлмаслиги лозим.

“Тадбиркорликни ривожлантириш компанияси” акциядорлик жамияти томонидан қарз молиявий ёрдамини тақдим этиши тартиби тұғрисидаги низомга
3 - илова

ЛОЙИХА ТАШАББУСКОРЛАРИНИНГ ҚАРЗГА ЛАЁҚАТЛИЛИК ДАРАЖАСИНІ АНИҚЛАШ УСЛУБИ

Лойиха ташаббускорларининг қарзга лаёқатлилик даражасини аниклаш услуги

Қарзга лаёқатлилик – Лойиха ташаббускорининг қарз молиявий ёрдамини үз вақтида ва түлиқ қайтаришга қодирлигидир.

Лойиха ташаббускорларининг қарзга лаёқатлилиги бир қанча күрсаткичлар билан тавсифланади. Күрсаткичлар сони чекланмайды, Лойиха ташаббускори фаолияти хусусиятларидан келиб чиқкан ҳолда мустақил равишида белгиланади.

Мазкур методикада қарзга лаёқатлиликнинг зарур мажбурий күрсаткичлари күриб чиқлады: қоплаш ва ликвидлик коэффициентлари, үз маблағлари билан таъминланганлык (автономия коэффициенти), үз айланма маблағлари мавжудлиги динамикаси.

Шунингдек құшимча күрсаткичларни ҳам ҳисоблаш тавсия этилади: айланма маблағларнинг айланиши, рентабеллик ва бошқалар.

Қарзга лаёқатлиликни баҳолаш Лойиха ташаббускорининг баланси, фойда ва зарарлар тұғрисидаги ҳисоботини таҳлили қилиш асосида амалга оширилади. Бундан ташқари, зарур ҳолларда қарзга лаёқатлиликни баҳолашда давлат статистика органларининг маълумотлари ва бошқа таҳлилий материаллардан фойдаланилади.

Қарзга лаёқатлиликнинг асосий күрсаткичлари қуйидаги коэффициентлар ҳисобланади:

1) Қоплаш коэффициенти

бу ерда:

ҚҚ – қоплаш коэффициенти

ЛМ – қисқа муддатли ликвид маблағлар

ҚММ - қисқа муддатли мажбуриятлар.

$$\text{ҚҚ} = \frac{\text{ЛМ}}{\text{ҚММ}}$$

Қисқа муддатли ликвид маблағларга (ЛМ) қуйидагилар киради:

Пул маблағлари (ПМ):

- 330-қатор – Кассадаги пул маблағлари;
- 340-қатор – Ҳисобварағидаги пул маблағлари;
- 350-қатор – Хорижий валютадаги пул маблағлари;
- 360-қатор – Бошқа пул маблағлари ва эквивалентлар

Тез сотиладиган талаблар (TCT):

- 220-қатор – Сотиб олувчилар ва буюртмачиларнинг қарздорлиги (муддати ўтган дебиторлик қарздорлиги айирилган ҳолда);
- 240-қатор – Шуъба ва тобе хўжалик жамиятларининг қарздорлиги;
- 250-қатор – Ходимларга берилган аванслар;
- 260-қатор – Етказиб берувчилар ва пудратчиларга аванслар (3 ойдан ортиқ бўлмаган муддатга);
- 270-қатор – Бюджетга солиқлар ва йиғимлар бўйича аванс тўловлари;
- 280-қатор – Давлат мақсадли фондларига ва сугурта бўйича аванс тўловлари;
- 300-қатор – Ходимларнинг бошқа операциялар бўйича қарздорлиги;
- 310-қатор – Бошқа (қайтарилиши бўйича реал) дебиторлик қарздорлиги
- 370-қатор – Қисқа муддатли инвестициялар (қайтариш муддати фақат 3 ойгacha бўлган қўйилмалар ҳисобга олинади).

Тез сотиладиган захиралар (TCЗ):

- 150-қатор – Ишлаб чиқариш захиралари;
- 170-қатор – Тайёр маҳсулот;
- 180-қатор – Товарлар.

КММ – Қисқа муддатли мажбуриятлар

Қисқа муддатли мажбуриятларга қўйидагилар киради:

- 610-қатор – Сотиб олувчилар ва буюртмачилар олдидағи қарздорлик;
- 630-қатор – Шуъба ва тобе хўжалик жамиятлари олдидағи қарздорлик;
- 640-қатор – Кечикирилган даромадлар;
- 650-қатор – Солиқ ва мажбурий тўловлар бўйича кечикирилган мажбуриятлар;
- 660-қатор – Бошқа кечикирилган мажбуриятлар;
- 670-қатор – Олинган аванслар;
- 680-қатор – Бюджетга тўловлар бўйича қарздорлик;
- 690-қатор – Суғурта бўйича қарздорлик;
- 700-қатор – Давлат мақсадли фондларига тўловлар бўйича қарздорлик;
- 710-қатор – Таъсисчилар олдидағи қарздорлик;
- 720-қатор – Мехнатга ҳақ тўлаш бўйича қарздорлик;
- 730-қатор – Қисқа муддатли банк кредитлари;
- 740-қатор – Қисқа муддатли қарзлар;
- 750-қатор – Узок муддатли мажбуриятларнинг жорий қисми;
- 760-қатор – Бошқа кредиторлик қарздорлиги.

Юқорида баён қилинганларни ҳисобга олган ҳолда:

Пул маблағлари + Тез сотиладиган талаблар (муддати ўтган
дебиторлик қарздорлиги айрилган ҳолда, 211-қатор) + Тез
сотиладиган захиралар

Кисқа муддатли мажбуриятлар

бу ерда:

Пул маблағлари – қаторлар 330+340+350+360

Тез сотиладиган талаблар – қаторлар (220 +240 +250 +260 +270 +280 +300+
+310)-211

Тез сотиладиган захиралар – қаторлар 150+170+180

Кисқа муддатли мажбуриятлар – қаторлар 610 +630+ 640 +650 +660 +670
+680+ +690 +700 +710 +720 +730 +740 +750 +760

Агар қисқа муддатли ликвид маблағлар (ЛМ) қисқа муддатли мажбуриятлардан (КММ) камида икки баробар ортиқ бўлса (яъни КП ≥ 2), Лойиха ташаббускорининг молиявий аҳволини яхши деб ҳисоблаш мумкин. Бу энг юқори мезон чегараси. Қуйи чегара сифатида эса Лойиха ташаббускорининг қисқа муддатли ликвид маблағларга (ЛМ) тенг миқдордаги қисқа муддатли мажбуриятларга (КММ) эга бўлган ҳолат олинади (яъни КП=1).

Шу билан бирга, Лойиха ташаббускорларининг ишлаб чиқариш характеристи, активлар тузилмаси каби омиллари, қоплаш кўрсаткичи билан тавсифланадиган корхона балансининг ҳақиқий ликвидлик ҳолатини бироз бузиб кўрсатиши мумкин.

2) Ликвидлик коэффициенти

Турли омилларнинг таъсирини камайтириш учун Лойиха ташаббускорлари балансининг **ликвидлик кўрсаткичи** ҳисоблаб чиқилади. Ушбу кўрсаткич пул маблағлари ва тез сотиладиган талаблар суммасининг қисқа муддатли мажбуриятларга нисбати сифатида аниқланади, яъни товар-моддий бойликлар захиралари инобатга олинмайди ва фақат реал активлар ҳисобланади. У қўйидагича ҳисобланади:

бу ерда:

ЛК – ликвидлик коэффициенти

ПМ – пул маблағлари

ТСТ – тез сотиладиган талаблар

КММ - қисқа муддатли мажбуриятлар.

$$ЛК = \frac{ПМ + ТСТ}{КММ}$$

Ликвидлик коэффициенти жорий мажбуриятларнинг қайси қисми нафақат нақд пуллар, балки жўнатилган маҳсулотлар, бажарилган ишлар ва кўрсатилган хизматлар учун кутилаётган тушумлар ҳисобидан қопланиши мумкинлигини кўрсатади.

3) Автономия кофициенти

Лойиҳа ташаббускорининг ўз маблағ манбалари билан таъминланганлиги (ёки автономия коэффициенти (АК)) корхона баланси пассивида ўз манбалари улушини ҳисоблаб чиқариш йўли билан баҳоланади ва корхонанинг қарз маблағларига қарам эмаслигини, яъни ундан мустақил эканлигини акс эттиради.

Ўз маблағ манбалари билан таъминлаганлик коэффициенти қуйидаги формула бўйича аниқланади:

$$АК = \frac{\text{ЎМ (ўз маблағ манбалари)}}{\text{БВ (баланс валютаси)}}$$

бу ерда:

АК – автономия коэффициенти

ЎМ = 480-қат. (Пассивнинг биринчи бўлими жами, “Ўз маблағ манбалари”) минус 290-қат. (Таъсисчиларнинг устав сармояси бўйича қарздорлиги)

БВ = 780-қат. (Жами пассив) минус 022-қат. (Номоддий активларнинг қолдик қиймати)

Корхонанинг ўз маблағ манбалари билан таъминланганлик коэффициенти 30 фоиздан кам бўлиши мумкин эмас. Айланма маблағларнинг айланиши юқори бўлган ҳолда ва корхонанинг фаолият хусусиятига боғлиқ ҳолда ушбу кўрсаткичнинг рухсат этилган даражаси бироз кичик бўлиши мумкин.

Агар ушбу коэффициент 0,6 яъни 60 фоиздан юқори бўлса, қарз хатари минимумга келтирилган деб ҳисобланади.

4) Ўз айланма маблағлари мавжудлиги кўрсаткичи:

$$\text{ЎАММ} = \text{ЎММ} - \text{AB},$$

бу ерда:

ЎАММ – ўз айланма маблағлари мавжудлиги

ЎММ – ўз маблағ манбалари = ЎМ – 290-қат (Таъсисчиларнинг устав капиталига улушлар бўйича қарзи) + 490-қат (Узоқ муддатли мажбуриятлар)

AB – узоқ муддатли активлар (130-қат.)

Агар, Лойиҳа ташаббускорининг асосий воситалари ва айланмадан ташқари активлари (баланс активининг 1 бўлими жами) ўз маблағ манбаларидан ортиқ бўлган ҳолда, ноликвид баланс ҳосил бўлади.

Қарзга лаёқатлиликнинг қўшимча кўрсаткичларига қўйидагилар киради:

- ўз айланма маблағлари мавжудлиги динамикаси;
- фойдалилик;
- амалга оширилмаган тўловлар;
- айланма маблағларнинг айланиши.

1-жадвал

Қарзга лаёқатлилик асосий кўрсаткичларининг синфлар бўйича талаблари

т/р	Номи	I синф	II синф	III синф
	Қоплаш коэффициенти (КК)	$КК \geq 2,0$	$2 > КК \geq 1,0$	$1 > КК > 0,5$
	Ликвидлик коэффициенти (ЛК)	$ЛК \geq 1,5$	$1,5 > ЛК \geq 1,0$	$1 > ЛК > 0,5$
	Автономия коэффициенти (АК)	$АК \geq 60\%$	$60\% > АК \geq 30\%$	$30\% > АК > 15\%$

Таҳлил ва коэффициентлар миқдорлари асосида Лойиха ташаббускорлари З та қарзга лаёқатлилик синфлари бўйича таснифланади ва у ёки бу синфга мансублигидан келиб чиқиб, Лойиха ташаббускори билан қарз муносабатлари тузилади.

Қарзга лаёқатлилик синфини аниқлашда учта коэффициентнинг ўртача йигиндиси кўрсаткичи олинади.

“Тадбиркорликни ривожлантириш
компанияси” акциядорлик жамияти
томуонидан қарз молиявий ёрдамини тақдим
етиши тартиби тұғрисидаги низомга
4 - илова

Компания томонидан қарз молиявий ёрдами тақдим этилмайдиган тадбиркорлик йұналишлари

1. Қиморхона ва биллиардхоналар, алкоголь ва тамаки маҳсулотлари ишлаб чиқариш ва (ёки) улар савдосини ташкил этиши учун талаб этиладиган бино ва ускуналар;
2. Улгуржи ва чакана савдо, умумий овқатланиш ҳамда алоҳида ташкил этиладиган автомобилларга ёнилғи қуиши шохобчалари бино ва ускуналари (бундан савдо ва сервис, йўл бўйи инфратузилма обьектлари, жумладан комплекс таркибида автомобилларга ёнилғи қуиши ҳамда савдо шохобчалари фаолиятини ташкил этиши, “яшил” технологияларни, жумладан электромобилларни кувватлантиришда фойдаланиладиган бино ва ускуналари мустасно);
3. Транспорт воситалари сотиб олиш (бундан юк ташиш хизмати фаолияти, қурилиш фаолияти учун маҳсус техникалар ҳамда туризм фаолияти автобус ва микроавтобуслар мустасно);
4. Қишлоқ хўжалиги йұналишида амалга ошириладиган лойиҳалар (бундан гўшт ва тухум йұналиши, қишлоқ хўжалиги маҳсулотларини сақлаш, қайта ишлаш ва қадоқлашда фойдаланиладиган бино ва ускуналар мустасно).